

禮

記

訓

纂

禮記訓纂卷五

寶應朱彬輯

王制第五

正義鄭目錄云名曰王制者以其記先王班爵授祿祭祀養老之法度此於別錄屬制度

案王制之作蓋在秦漢之際下文云有正聽之鄭云漢有正平承秦所置又有古者以周尺之言則知是周亡之後鄭荅臨碩云孟子當赧王之際王制之作復在其後盧植云漢孝文皇帝令博士諸生作此王制之書王氏懋竝曰王制乃漢文帝令博士諸生作其時去先秦未遠老師宿儒猶有一二存者皆采取六經諸子之言如班爵祿取之孟子巡狩取之虞書歲三田及大司徒大司馬大司空三官取之公羊諸侯朝聘取之左氏古書今不可盡見蓋皆有所本也惟周官未出故所言絕不同注家多以周禮證之宜其乖戾而不合也

王者之制祿爵

白虎通曰此周制也

公侯伯子男凡五等諸侯之上

大夫卿下大夫上士中士下士凡五等

注二五象五行剛柔十日祿所受食

爵秩次也上大夫曰卿正義凡王者制度祿爵爲重其食祿受爵之人有公侯伯子男並南面之君凡五等也其諸侯之下北面之臣有上大夫卿有下大夫有上士中士下士凡五等也穀梁傳王者仁義歸往曰王以其身有仁義衆所歸往制統海內故云王制不云天子制也白虎通云祿者錄也上以收錄接下下以名錄謹以事上是也爵者盡也所以盡人才也此公侯伯子男獨以侯爲名而稱諸侯者舉中而言伯亦居中不言諸伯者嫌是東西二伯及九州之伯故也上大夫卽卿卿外唯有下大夫下文更有上大夫下大夫者謂就下大夫之中更分爲上下耳白虎通云卿之言嚮也爲人所歸嚮大夫者達人謂扶達於人土者事也皇氏熊氏皆爲任職事其大夫之稱亦得兼三公上大夫卿亦兼孤也春秋晉陽處父爲太傅經云晉殺其大夫陽處父是也孤亦稱公卿飲酒禮云公三重是孤也士旣命同而分爲三等者士職卑德薄義取漸進故分爲三卿與大夫德高位顯各有別命不復細分

天子之田方千里

注象日月之大亦取畧同也此謂縣內以祿公卿大夫元士

公侯田

方百里伯七十里子男五十里不能五十里者不合於天

子附於諸侯曰附庸天子之二公之田視公侯天子之卿

視伯天子之大夫視子男天子之元士視附庸

注皆象星辰之大小

也不合謂不朝會也小城曰附庸附庸者以國事附於大國未能以其名通也視猶比也元善也善士謂命士也此地殷所因夏爵三等之制也殷有鬼侯梅伯春秋變周之文從殷之質合伯子男以爲一則殷爵三等者公侯伯也異畿內謂之子周武王初定天下更立五等之爵增以子男而猶因殷之地以九州之界尙狹也周公攝政致太平斥大九州之界制禮成武王之意封王者之後爲公及有功之諸侯大者地方五百里其次侯四百里其次伯三百里其次子二百里其次男百里所因殷之諸侯亦以功黜陟之其不合者皆益之地爲百里焉是以周世有爵尊而

國小爵卑而國大者唯天子畿內不增以祿羣臣不主爲治民正義案元命包云日圓廣尺以應千里鄭注司徒云凡日景於地千里而差一寸案元命包云王者封國上應列宿之位注云若角亢爲鄭房心爲宋之比其七十里者倍減於百里五十里者倍減於七十里庸城也小國之城不能自通以其國事附於大國故曰附庸天子之士所以稱元者異於諸侯之士也畿外既有公侯伯標異畿內特謂之子尚雖爲子若作三公則受百里之地若作卿則受七十里之地若作大夫則受五十里之地鄭荅張逸云微子箕子實是畿內采地之爵非畿外治民之君故云子也制農田百畝百畝之分上農夫食九人其次食八人其次食七人其次食六人下農夫食五人庶人在官者其祿以是爲差也

注農夫皆受田於公田肥墪有五等收入不同也庶人在官謂府史之屬官長所除不命於天

子國君者分或爲糞正義周禮地有九等故司徒上地家七人中地家六人下地家五人注云有夫有婦然後爲家

自二人以至於十人爲九等一家男女七人以上則授之
以上地所養者衆也男女五人以下則授之以下地所養
者寡也此經地惟五等不同者大司徒所云農夫授田實
有九等此據準庶人在官之祿最下者猶五人庶人在官
者雖食八人以下不得代耕故載師有官田謂庶人在官
之田賈氏周禮疏曰王制云下士視上農夫食九人則府
食八人史食七人胥食六人徒食五人其官並亞士故
號庶人在官○分扶問反食音嗣差初佳反徐初宜反

諸侯之下士視上農夫祿足以代其耕也中士倍下士上
士倍中士下大夫倍上士卿四大夫祿君十卿祿次國之

卿三大夫祿君十卿祿小國之卿倍大夫祿君十卿祿

注此

班祿尊卑之差正義大夫以下位卑祿少故大小國不殊
卿與君祿重位尊故祿隨國之大小爲節案周禮天子卿
大夫士與諸侯之臣執摯同則祿亦同也此自下士至小
國之卿倍大夫祿皆據無采地者言之故鄭荅臨頌云王

三王

禮記卷之五
方千里者凡九百萬夫之地三分去一
受田者三百萬夫出都家之田以其餘地之稅祿無田者下士食九人中士食十八人上士三十六人下大夫七十人中大夫百四十四人卿二百八十八人

次國之上卿位當大國之中中當其下下當其上大夫小國之上卿位當大國之下卿中當其上大夫下當其下大

夫注此諸侯使卿大夫親聘並會之序也其爵位同小國在下爵異固在上耳正義必知爵異小國在上者以卿

執羔大夫執雁又卿綸冕大夫元冕故知小國之卿不得在大國大夫之下也彬案春秋成三年左傳次國之上卿當大國之中中當其下下當其上大夫小國之上卿當大國之下卿中當其上大夫下當其下大夫上下如是古之

制也其有中士下士者數各居其上之三分注謂其爲介若特行而並會也

居爲當也此據大國而言大國之士爲上次國之士爲中小國之士爲下士之數國皆二十七人各三分之一上九中

九下九以位相當則次國之上士當大國之中中當其下
小國之上士當大國之下凡非命士亦無出會之事春秋
傳謂士爲微正義今大國之士既在朝會若有中國之士
小國之士者其行位之數各居其上國三分之二謂次國
以大國爲上而次國上九當大國中九次國中九當大國
下九是當其大國之三分之二小國以次國爲上小國上
九當次國中九小國中九當次國下九亦是居上三分之
二也是各居上之三分徐氏師曾曰此當在上士二十七
人之下錯簡在此謂中士三倍於上
士之數下士三倍於中士之數也

凡四海之內九州州方千里州建百里之國三十七里
之國六十五十里之國百有二十凡二百一十國名山大

澤不以封其餘以爲附庸閒田八州州二百一十國

注建也

立大國三十三公也立次國六十六卿也立小國百
二十十二小卿也名山大澤不以封者與民同財不得

障管亦賦稅之而已此大界方三千里三三而九方千里者九也其一爲縣內餘八各立一州此殷制也周公制禮九州大界方七千里七七四十九方千里者四十有九也其一爲畿內餘四十八州各有方千里者六設法一州封地方五百里者不過四謂之大國又封方四百里者不過六又封方三百里者不過十一謂之次國又封方二百里者不過二十五及餘方百里謂之小國盈上四等之數并四十六一州二百一十國則餘方百里者百六十四也凡處地方千里者五方百里者五十九其餘方百里者四十一附庸地也正義爾雅釋地云九夷八狄七戎六蠻謂之四海此言四海之內謂夷狄之內也地方三千里以開方計之三三如九方千里者有九其一爲天子縣內下文具之以外八州別方千里者有一州建百里之國三十是公國也七十里之國六十是侯國也五十里之國百有二十是伯國也是一州凡二百一十國其餘以爲附庸開田謂置二百一十國外之餘地爲附庸開田也若封人附於大國謂之附庸若未封人謂之開田每州二百一十國所餘之地者則下文云方百里者十方十里者六十是也

音開

天子之縣內方百里之國九七十里之國二十有一五十

里之國六十有三凡九十三國名山大澤不以盼其餘以

祿士以爲閒田

注縣內夏時天子所居州界名也殷曰畿詩殷頌曰邦畿千里維民所止周亦曰畿

畿內大國九者三公之田三爲有致仕者副之爲六也其餘三待封王之子弟次國二十一者卿之田六亦爲有致仕者副之爲十二又三爲三孤之田其餘六亦待封王之子弟小國六十三大夫之田二十七亦爲有致仕者副之爲五十四其餘九亦以待封王之子弟三孤之田不副者以其無職佐公論道耳雖其致仕猶可卽而謀焉盼讀爲班正義名山大澤不以盼者畿外列土諸侯有封建之義故云不以封畿內之臣旣不世位有盼賜之義故云不以盼所以不盼者亦爲與民共財不障管也其餘以祿士以爲閒田者謂九十三國之餘則下文云其餘方百里者六

五

十四方十里者九十六是也以九十三國以封公卿大夫故特云以祿士其實公卿之子父死之後既不世爵得食父祿故下文云未賜爵觀天子之元士以君其國其不封公卿大夫及祿士之外並爲閒田則周禮云公邑也不云附庸者以縣內無附庸也畿外諸侯有大功德始有附庸故閒田少畿內每須盼賜故閒田多其周之畿內采邑大小未聞此云祿士謂無地之士給之以地而當其祿不得爲采邑耳其實春秋之時公卿亦有無地者故春秋經劉子單子是有地者稱爵王子虎卒是無地者不稱爵也○盼音班

凡九州千七百七十三國天子之元士諸侯之附庸不與注不與不在數中也春秋傳曰禹會諸侯於塗山執玉帛者萬國言執玉帛則是惟謂中國耳中國而言萬國則是諸侯之地有方百里有方七十里有方五十里者禹承堯舜而然矣要服之內地方七千里乃能容之夏末既衰堯狄內侵諸侯相并土地減國數少殷湯承之更制中國方三千里之界亦分爲九州而建此千七百七十三國焉周

公復唐虞之舊域分其五服爲九其要服之內亦方七千里而因殷諸侯之數廣其土增其爵耳孝經說曰周千八百諸侯布列五千里內此文改周之法關盛衰之中三七之間以爲說也終此說之意五五二十五方千里者二十五也其一爲畿內餘二十四州各有方千里者三其餘諸侯之地大小則未得而問正義前文云凡四海之內明殷之畿外諸侯次經明天子縣內殷之畿內國數此經總明殷之畿內畿外故云凡九州千七百七十三國大計地方三千里畿外八州每一州二百一十國封爵三等八州一千六百八十國并王畿內九十三國計千七百七十三國天子之元士則下云方百里者六十四方十里者九十六是天子之元士又下云其餘方百里者十方十里者六十是諸侯附庸不在千七百七十三之數○與音預

天子百里之內以共官千里之內以爲御

注謂此地之田稅所給也官謂

其文書財用也御謂衣食正義經云百里之內者謂去王城百里四面相距則二百里經云千里之內以爲御者謂

四面相距爲千里去王城四面五百里葉少藎曰官者天子宗廟社稷賓客燕享有司所供也御者乘輿服膳匪頒賜子王所用也君子廉於奉己嚴於事神人故有司所供主在百里之內王所用主在千里之內猶之家造以祭器爲先犧賦爲次養器爲後皆以奉己爲非急也○共音恭

千里之外設方伯五國以爲屬屬有長十國以爲連連有帥三十國以爲卒卒有正二百一十國以爲州州有伯八州八伯五十六正百六十八帥三百三十六長八伯各以其屬屬於天子之老二人分天下以爲左右曰二伯

注屬連卒

州猶聚也伯帥正亦長也凡長皆因賢侯爲之殷之州長曰伯虞夏及周皆曰牧老謂上公周禮曰九命作伯春秋傳曰自陝以東周公主之自陝以西召公主之正義屬是繫屬連是連接卒是卒伍州是聚居伯帥正俱是長但異

其名案鄭志注尙書爲八伯張逸問云九州而八伯者何
鄭荅云畿內之州不置伯有鄉遂之吏主之伯卽牧也故
周禮太宰云施典于邦國建其牧是畿外邦
國有牧畿內不置也○帥色類反卒子忽反

千里之內曰甸

注服治田出穀稅說文甸天子五百里地

千里之外曰采

注九州之

內地取其美物以當穀稅

曰流

注謂九州之外也夷狄流移或貢或不禹貢荒服之外三百里蠻二百里流正

義案禹貢五百里曰甸服下又云百里賦納總二百里納
徑及結粟米之等是甸爲治田也陳用之曰采則禹貢侯
服百里采也流則荒服之
二百里流也○甸大薦反

天子三公九卿二十七大夫八十一元士

注北夏制也明堂位曰夏后氏

之官百舉成數也方性夫曰三公之數則取陽數而成也
九卿則倍公而三之大夫則又倍卿而三之元士則又倍
大夫而三之夫位尊者其事約而總位卑
者其事詳而分故位愈卑而數愈倍焉

大國三卿皆命於天子下大夫五人上士二十七人次國

三卿二卿命於天子一卿命於其君下大夫五人上士二

十七人小國二卿皆命於其君下大夫五人上士二十七

人注命於天子者天子選用之如今詔書除吏矣小國亦

三卿一卿命於天子二卿命於其君此文似誤脫耳或

者欲見畿內之國二卿與正義崔氏云三卿者依周制而

言謂立司徒兼冢宰之事立司馬兼宗伯之事立司空兼

司寇之事故春秋左傳云季孫爲司徒叔孫爲司馬孟孫

爲司空以此推之故知諸侯不立冢宰宗伯司寇之官也

下大夫五人者崔氏云三卿命於天子則大夫以下皆其

君自命之也五人者謂司徒之下置小卿二人一是小宰

一是小司徒司空之下亦置二小卿一是小司空一是小

司空也司馬之下惟置一小卿小司馬也故公羊襄十一

年作三軍何休云古者諸侯有司徒司空上卿各一下卿

各二司馬事省上下卿各一若有軍事上士相上卿下士

相下卿足以爲治陳用之曰三等之國卿數不同大夫十之數則同者卿則合治大夫士則分職故卿數與祿以國之大小爲差大夫士之數與祿則同焉而已邵萬宗曰大國欲其權不侔上故三卿皆命於天子小國欲其權足以制下故二卿皆命於其君次國則處乎大小國之間故二卿命於天子一卿命於其君

天子使其大夫爲三監監於方伯之國國三人

注使佐方伯領諸侯

正義謂使在朝之大夫往監於方伯每一州輒三人三十八二十四人崔氏云此謂殷之方伯皆有三人以輔之周則於牧下置二伯亦或因殷使大夫爲三監○下監古咸反

天子之縣內諸侯祿也

注選賢置之於位其國之祿如諸侯不得世正義此謂畿內公卿大

夫之子父死之後得食父之故國采邑不得繼父爲公卿大夫也

外諸侯嗣也

注有功乃封之使之

世也冠禮記曰繼世以立諸侯象賢也正義畿內諸侯不世爵而畿外得世者以畿內諸侯則公卿大夫輔佐於王

非賈不可故不世也。畿外諸侯嘗有大功報其勞效故得世也。異義按公羊穀梁說云：卿大夫世則權并一姓妨塞賢路，經譏尹氏、崔氏是也。馬彥醇曰：內諸侯祿而有德可使之出而為諸侯，若韓宣子之類是也；外諸侯嗣而有功者可使之入而為公卿。若鄭武公之類是也。

制三公一命，卷若有加則賜也，不過九命。次國之君不過

七命，小國之君不過五命。

注：卷，俗讀也。其通則曰衰。三公八命矣，復加一命則服龍衰，與

王者之後同多於此，則賜非命服也。虞夏之制，天子服有日月星辰，周禮曰：諸公之服自袞冕而下如王之服，正義言王者制度三公八命，身著鸞冕，若加一命則為上公，而著袞冕，若有加謂九命，卷龍之外依制不合有其服，若有加益者則是君之特賜，非禮法之常雜記。謂之袞衣也。吳幼清曰：若有加比者，則出於君之特恩，所謂三公出封加一等是也。然亦不過九命，注疏以龍衰之外有所加為特賜，非也。夫龍衰之外有加，則是十二章也。天子豈可以賜

其臣哉○卷依
洋音衰古本反

大國之卿不過三命下卿再命小國之卿與下大夫一命

注不著次國之卿者以大國之下互明之此卿命則異大
大皆同周禮公侯伯之卿三命其大夫再命子男之卿再
命其大夫一命正義大國上卿三命下卿再命次國上卿
再命下卿一命小國上下卿並皆一命故云卿命則異大
國次國小國大
夫皆同一命

凡官民材必先論之論辨然後使之

注論謂考其德行道
藝辨謂考問得其定

也易曰問
以辨之

任事然後爵之

注爵謂正
其秩次

位定然後祿之

注以

常食正義謂官其人必先論量德行道藝考問知其實有
德行道藝未明其幹能故試任以事事又幹了然後正其
扶次除授位定然後與之以祿馬彥醇曰才足以充公卿
之任則使之爲公卿才足以充大夫士之任則使之爲大

夫士故任事然後爵之爵有高下則祿有厚薄位者視其
爵祿之高下而祿者稱其爵之等差也故位定然後祿之
爵人於朝與士共之刑人於市與衆弃之是故公家不畜
刑人大夫弗養士遇之塗弗與言也屏之四方唯其所之

不及以政亦弗故生也

注必共之者所以審慎之也書曰克明德慎罰屏猶放去也已施刑

則放之弃之役賦不與亦不授之以田困乏又無贖餼也
虞書曰五流有宅五宅三居是也周則墨者使守門劓者
使守闕宮者使守內劓者使守圜髡者使守積正義爵人
於朝謂殷法也周則天子特假祖廟而拜授之故洛誥冊
命周公特祭文武與衆棄之者亦謂殷法貴賤皆刑於市
周則有爵者刑於甸師氏也罪人被放不干及以政教之
事謂不以王政賦役驅使田里所以安其身矧餼所以養
其命皆是爲生之具今並不與是不故欲使其生也陳用
之曰爵人於朝周官鄉老及鄉大夫羣吏獻賢能之書王
拜受之登於天府內史貳之是也刑人於市周官鄉士遂

士所謂肆之三日是也王氏念孫曰亦弗故生也故當爲欲謂不欲生之也正義解經曰不欲使生是其證○畜許

六反屏

必政反

諸侯之於天子也比年一小聘三年一大聘五年一朝

注

年每歲也小聘使大夫大聘使卿朝則君自行然此大聘與朝晉文霸時所制也虞夏之制諸侯歲朝周之制侯甸男采衛要服六者各以其服數來朝正義案聘禮記云小聘口問三介大聘使卿爲介有五人案尙書堯典云五載一巡守羣后四朝鄭注云巡守之年諸侯朝於方嶽之下其間四年四方諸侯分來朝於京師歲徧是也周禮大行人云侯服歲壹見甸服二歲壹見男服三歲壹見采服四歲壹見衛服五歲壹見要服六歲壹見是六者各以其服數來朝皆當方分爲四部分

隨四時而來○朝直遙反

天子五年一巡守

注天子以海內爲家時一巡省之五年者虞夏之制也周則十二歲一巡守

歲二月東巡守至于岱宗

注岱宗東嶽五經通義宗長也言爲羣嶽之長說文嶽東岱南

禪西華北恒中泰室王者之所以巡狩所至

柴而望祀山川覲諸侯

注柴祭天告至也覲

見也問百年者就見之

注就見老人

命大師陳詩以觀民風命市

納賈以觀民之所好惡志淫好辟命典禮考時月定日同

律禮樂制度衣服正之

注陳詩謂采其詩而視之市典市者賈謂物貴賤厚薄也質則用物

貴淫則侈物貴民之志淫邪則其所好者不正同陰律也

山川神祇有不舉者爲不敬

不敬者君削以地宗廟有不順者爲不孝不孝者君紕以

爵變禮易樂者爲不從不從者君流革制度衣服者爲畔

畔者君討有功德於民者加地進律

注舉猶祭也不順者謂若逆昭穆流放也

討誅也
律法也

五月南巡守至于南嶽如東巡守之禮八月西巡

守至于西嶽如南巡守之禮十有一月北巡守至于北嶽

如西巡守之禮歸假于祖禰用特

注假至也特特牛也祖下及禰皆一牛三禮義

宗云唐虞五載巡守一嶽二十年方徧四嶽周則四十八

年矣若一出四嶽皆徧且闕四時祭享唐虞衡山爲南嶽

周氏霍山爲南嶽其制吉行五十里若以二月到東嶽五

月到南嶽八月到西嶽十一月到北嶽路程遠固必不

及此知每至一嶽卽歸斯義爲長也正義歲二月東巡守

者皆以夏之仲月律歷得其中也二月八月晝夜分五月

十一月者陰陽終故取四仲月也岱山者言萬物皆相代

於東方宗者尊也岱爲五嶽之首故爲尊也案爾雅釋山

云泰山爲東嶽郭景純注云在奉高縣西北霍山爲南嶽

郭注云在衡陽湖南縣南又云今在廬江潯縣西漢武帝

以衡山遠曠故移其神於此華山爲西嶽郭注云在宏農

華陰縣西南恒山爲北嶽郭注云在常山上曲陽縣西北

柴謂燔柴以祭上天而告至祭天之後乃墜祀山川案觀禮云諸侯觀於天子爲宮方三百步四門墻十有二尋深四尺鄭注云王巡守至于方嶽之下諸侯會之亦爲此宮以見之是也見諸侯之後問百年者就見之若未至方嶽於道路之上亦有百年者亦先見之大師是掌樂之官各陳其國風之詩以觀其政令之善惡命典市之官進納物賈以觀民之所好惡民志淫邪則愛好邪辟之物由在上教之不正此陳詩納賈所以觀民風俗是欲知君上善惡也典禮之官於周則大史考校四時及十二月之大小時有節氣早晚月有弦望晦朔考之使各當其節又正定甲乙之日陰陽同律玉帛之禮鐘鼓之樂及制度衣服各有等差當正之山川外神故云不舉宗廟是內神故云不順禮樂雖爲大事非是切急所須故以爲不從君惟流放制度衣服便是政治之急故以爲畔君須誅討此四罪先輕後重○守手又反本或作狩大音泰賈音嫁惡鳥路反緇丑律反樂音岳假音格禰乃禮反

天子將出類乎上帝宜乎社造乎禰諸侯將出宜乎社造

乎禴注類宜造皆祭名其禮以正義此論天子巡守之禮
類乎上帝謂祭告天也社主於地又為陰誅殺亦陰
故於社也故書云不用命戮于社是也造至也謂至父祖
之廟也今惟云禴者白虎通云獨見禴何辭從卑不敢留
尊者之命至禴不嫌不至祖也皇氏申之云行必有主無
則主命載于齊車書云用命賞于祖是也今出先從卑起
最後至祖仍取遷主則行也若前至祖後至禴是留尊者
之命為不敬也然出告天地及廟還惟告廟不告天地者
白虎通云天道無外內故不復告也諸侯將出者謂朝王
及自相朝盟自征伐之事也不得告天故從社始也造乎
禴者亦告祖及載主也惟言出告則歸亦告也曾子問曰
出反必親告于祖禴是也天子用特牲諸侯卑則否曾子
問注云皆奠幣以告之是也方性夫曰宜造諸侯之所同
類上帝則天子所獨降殺之別也經曰天子祭天地諸侯

稷
祭社

天子無事與諸侯相見曰朝考禮正刑一德以尊于天子

注事謂征伐正義此朝謂常朝諸侯相與朝王之時考校禮儀正定刑法專一道德以尊崇天子方性夫曰行天子之禮則禮樂自天子出矣用天子之刑則征伐自天子出矣諸侯豈有異心者哉故能一德以尊於天子也

天子賜諸侯樂則以柷將之賜伯子男樂則以鼗將之

謂執以致命柷鼗皆所以節樂正義凡與人之物置其所與大者於地執其小者以致命於人將行也漢禮器制度柷狀如漆桶中有椎將作樂先擊之鼗如小鼓長柄旁有耳搖之使自擊柷之節樂節一曲之始其事寬故以將諸侯之命鼗所以節一唱之終其事狹故以將伯子男之命○柷昌六反樂音岳鼗音桃

諸侯賜弓矢然後征賜鈇鉞然後殺賜圭瓚然後爲鬯未

賜圭瓚則資鬯于天子

注得其器乃敢爲其事圭瓚鬯也鬯秬酒也說文瓚三玉二石也

正義賜弓矢謂八命作牧者賜鈇鉞謂上公九命賜圭瓚亦謂上公九命者若未賜圭瓚則用璋瓚故周禮小宗伯

注云天子圭瓚諸侯璋瓚既不得鬯則用薰故王度記云天子以鬯諸侯以薰圭瓚之制按玉人職大璋中璋之下云黃金勺青金外朱中鼻寸衡四寸鄭注鼻勺流也凡流皆爲龍口三璋之勺形如圭瓚又典瑞注瓚槃大五升口徑八寸下有槃口徑一尺又明堂位注云以大圭爲柄玉人注云有流前注此圭瓚之形也鬯者釀秬黍爲酒和以鬱金之草謂之鬱鬯不以鬱和直謂之鬯。鈇方于反又音斧圭字又作珪按說文珪古字圭今字瓚才旦反鬯敎

反亮

天子命之敎然後爲學小學在公宮南之左大學在郊

注

所以學士之宮尙書傳曰百里之國二十里之郊七十里之國九里之郊五十里之國三里之郊此小學大學般之制正義若周制則司馬法云百里郊天子畿內方千里百里爲郊則諸侯之郊皆計竟大小故聘禮注云遠郊上公五十里侯伯三十里子男十里也近郊各半之天子命之敎不云命諸侯從可知也金氏榜曰國之小學諸侯立於

志

公宮之左天子則在王宮之四門四門者東南稱門西北稱闕周官師氏令其屬守王門保氏令其屬守王闕學禮有東學南學西學北學祭義天子立四學將入學而太子齒皆謂此四門之小學王太子王子及諸侯卿大夫之子焉天子曰辟廱諸侯曰頽宮也所以明和天下頽之言班也所以班政教也說文泮諸侯鄉射之宮西南爲水東北爲牆五經通義諸侯不得觀四方故缺東以南半天子之學故曰頽宮正義按詩注云築土雕水之外圍如壁又云頽之言半以南通水北無也二注不同者此注解其義詩注解其形張子曰此小學是教國子胄子之幼小者未能入大學則其學在宮之左右大學卽郊學也對小學而言大爾非國子胄子俊造所居但國之設學必均故於四郊爲之立學郊學則鄉遂大夫教之國中大學則天子諸侯所自視者也郊學雖非俊造國胄之所居亦有時而往如行禮於其間使不帥教者觀之金氏榜曰辟雍者大學之統名周立三代之學通名曰辟雍猶五帝之學通名成均矣辟雍頽宮皆在郊先王處士於間燕使王太子王子及

諸侯卿大夫之子皆造於大學其制如此鄭君駁異義云
王制大學在郊辟雍卽大學也大雅靈臺一篇之詩有靈
臺有靈囿有靈沼有辟雍則辟雍及三靈皆同處在郊
王制與詩其言察察亦足以明之矣○辟音璧類音判

天子將出征類乎上帝宜乎社造乎禰禘於所征之地注

師祭也爲兵禱其禮亦亾說文師行所止恐有
慢其神下而祀之曰禰周禮曰禰於所征之地受命於祖

注告祖也受成於學注定兵出征執有罪反釋奠于學以訊馘

告注釋菜奠幣禮先師也訊馘所生獲斷耳者詩曰執訊

獲醜又曰在類獻馘馘或爲國說文馘軍馘斷耳也春
秋傳曰以爲俘馘馘或从首正義肆師注云貉讀如十

百之百爲師祭造軍法者其神蓋蚩尤或曰黃帝陳用之
曰周官言貉詩與禮記言禰其實一也正義類者以事類

告天故異義夏侯歐陽說以類祭天者以事類祭之古尙
書說非時祭天謂之類許慎謹案周禮郊天無言類者知
類非常祭從古尙書說按大胥職云春入學舍菜合舞文

王世子亦云釋菜鄭注云釋菜禮輕則釋菜惟釋蘋藻而已無牲牢無幣帛文王世子又云始立學者既興器用幣注云禮樂之器成則贄之又用幣告先聖先師以器成此則徒用幣而無菜亦無牲牢也文王世子又云凡始立學者必釋奠於先聖先師及行事必以幣是釋奠有牲牢又有幣帛無用菜之文熊氏以此爲釋菜奠幣者既有牲牢菜幣兩有今云禮先師不云祭先師則似訊誠告之時但有菜幣而已未必有牲牢也釋菜奠幣皆告先聖先師此直云先師文不具耳黃東發曰釋奠卽舍菜周禮春入學舍菜呂覽仲春上丁命樂正習舞釋菜文王世子春官釋奠於先師秋冬亦如之視學釋奠禮一也又曰凡始立學必釋奠於先聖先師及行事必以幣始立學釋奠二也此出征反釋奠於學三也其所以皆以采而非菜也蓋摯見必先用品故事神亦先用幣若菜則菹也物之輕而禮之末惟士子始入學用之學記曰大學始敬皮弁祭菜文王世子曰既興器用幣然後釋菜亦謂立學既已興器用幣世子人學亦用菜人無生而貴者耳○馮馬治反又音百氣本又作諱音信蔽古獲反

天子諸侯無事則歲三田一爲乾豆二爲賓客三爲充君

之庖無事而不田曰不敬田不以禮曰舉天物

注三四者夏不用蓋

夏時也周禮春曰蒐夏曰苗秋曰獮冬曰狩乾豆謂腊之以爲祭祀豆實也庖今之廚也不敬者簡祭祀略賓客正義無事謂無征伐出行喪凶之事鄭釋廢疾云歲三田謂以三事爲田卽一曰乾豆之等豆云乾者謂作醢及鬻先乾其肉是上殺者也二爲賓客中殺者也三爲充君之庖下殺者也故穀梁桓四年范甯云上殺中心死速乾之以爲豆實次殺射髀髀死差遲故爲賓客下殺中腸汚泡死最遲故充庖廚又車攻毛傳云自左膘而射之達於右廡爲上殺射右耳本次之射左髀達於右髀爲下殺是亦有三等之殺先宗廟次賓客者尊神敬賓之義春秋桓四年公羊傳諸侯曷爲必田狩一曰乾豆二曰賓客三曰充君之庖穀梁傳四時之田皆爲宗廟之事也春曰田夏曰苗秋曰蒐冬曰狩四時之田用三焉唯其所先得一爲乾豆二爲賓客三爲充君之庖○乾音干庖步交反

天子不合圍諸侯不掩羣

注爲盡物也

天子殺則下大綏諸侯

殺則下小綏大夫殺則止佐車佐車止則百姓田獵

注綏當爲

綏綏有虞之旌旗也下謂弊之佐車鑿逆之車正義天子四時田獵皆得圍但圍而不合若諸侯惟春田不得圍其夏秋冬圍亦不合故下曲禮云國君春田不圍澤諸侯不掩羣者是畿內諸侯爲天子大夫故下曲禮云大夫不掩羣此皆熊氏之說下謂弊仆於地初殺則抗之已殺獵止則弊之詩傳云天子發抗大綏諸侯發抗小綏此抗綏以表天子諸侯之獲大夫殺則止佐車則天子諸侯殺未止佐車也以此推之則天子殺然後諸侯殺諸侯殺然後大夫殺百姓田獵謂冬獵時○綏

依注音綏耳佳反獵力輒反

獺祭魚然後虞人入澤梁豺祭獸然後田獵鳩化爲鷹然

後設罝羅草木零落然後入山林昆蟲未蟄不以火田

注取

物必順時候也梁絕水取魚者罾小網也昆明也明蟲者得陽而生得陰而蔽釋文說文云草曰零木曰落

不卵不殺胎不夭

注重傷未成物夭斷殺少長曰夭

不覆巢

注覆敗也正義

按月令正月獺祭魚孝經緯云獸螫伏獺祭魚則十月中也是獺一歲再祭魚下鳩化為鷹草木零落文相連接則獺祭魚謂十月時然則正月雖獺祭魚虞人不得入澤梁月令九月豺乃祭獸夏小正十月豺祭獸王氏引之曰緯書作於西漢之末皆不足据案夏小正曰正月獺祭魚逸周書時訓篇曰驚蟄之日獺祭魚並與月令同則漢以前書無謂獺祭魚在冬月者魯語古者大寒降土蟄發水虞於是乎講罔罟取名魚大寒降土蟄發皆在孟春正獺祭魚之時也水虞於是乎講罔罟取名魚正所謂虞人入澤梁也何以知其必非正月乎淮南主術篇獺未祭魚罔罟不得入於水高注曰明堂月令孟春之月獺祭魚未祭不得捕也漢書食貨志豺獺未祭罝網不布於塗澤顏注亦引孟春之月獺祭魚皆不以爲十月較正義沿緯書之誤爲長正義鳩化為鷹謂八月時說文云罾捕鳥網也爾

雅云鳥咎謂之羅草木零落謂十月時若依時取者則山
虞云仲冬斬陽木仲夏斬陰木不在零落之時昆蟲未蟄
謂未十月之時○獵他達反厨音尉麋
本又作麋音迷同厥於表反天鳥老反

家宰制國用必於歲之杪

白虎通家者大也宰者制也大制事也

五穀皆入

然後制國用用地小大視年之豐耗以三十年之通制國

用量入以爲出

注制國用如今度支經用杪末也小國大國豐凶之年各以歲之收入制其用多少

多不過禮少有所殺通三十年之率當有九年之蓄出謂
所當給爲正義每年之率入物分爲四分一分擬爲儲積
三分爲當年所用三年總得三分爲一年之蓄三十年之
率當有十年之蓄此云九年之蓄者崔氏云三十年之間
大略有閏月十二足爲一年故惟有九年之蓄也王肅以
爲二十七年有九年之蓄而言三十年舉全數兩義皆通
未知祭用數之仿注算今年一歲經用之數用其什一正
就是義仿是分散之名此云什一者以民稅

一歲之什一則國
祭所用亦什一也
喪三年不祭唯祭天地社稷爲越紼而

行事

注不敢以卑廢尊越
所隨也紼轡車索

喪用三年之什喪祭用不足曰

祭有餘曰浩

注喪大事用三歲之什
一黎猶耗也浩猶饒也

祭豐年不奢凶年不

儉

注常用
教之仿

國無九年之蓄曰不足無六年之蓄曰急無三

年之蓄曰國非其國也

彬按春秋莊二十八
年穀梁傳同蓄作畜

三年耕必有

一年之食九年耕必有三年之食以三十年之通雖有凶

旱水溢民無菜色然後天子食日舉以樂

注菜色食菜之
色民無食菜之

飢色天子乃日舉以樂侑食正義私喪既殯已後若有天
地社稷之祭卽行之但未葬之前屬紼於轎以備火災今
祭天地社稷須越躡此紼而往祭所六宗及山川之等待
喪終乃祭故鄭志荅田瓊云天子郊社至尊不可廢故越

禘祭之六宗山川之神則否其宮中五祀在喪內則亦祭之曾子問云君薨五祀之祭不行既殯而祭之自啟至於以哭五祀之祭不行既葬而祭之鄭荅田瓊云五祀宮中之神喪時朝夕出入所祭不爲越綿也劉執中曰以三年之仇共於喪祭斯亦足矣踰禮越中殘暴其物俾有不足者故曰暴儉於禮而不盡其財故曰浩浩謂財有餘而禮不足也○抄凶小反量音亮仿音勒

天子七日而殯七月而葬諸侯五日而殯五月而葬大夫

士庶人三日而殯三月而葬

注尊者舒卑者速春秋傳曰天子七月而葬同軌畢至諸

侯五月同盟至大夫三月同位至士踰月外姻至正義天子諸侯位既尊重送終禮物其數既多許其申遂故日月緩也大夫士禮數既卑送終之物其數簡少又職惟促塵義詐奪情故日月促也必至三日者冀其更生三日不生亦不生矣左傳大夫言三月士言踰月此總云大夫士三月而葬者大夫除死月爲三月士數死月爲三月正是踰

越一月故言踰月耳鄭箴膏肓曰禮人君之喪殯葬皆數
來月來日士殯葬皆數往月往日尊卑相下之差數故大
夫士俱三月其實不同士三年之喪自天子達

注下通庶人於父母

同天子諸侯降期

庶人縣封葬不爲雨止不封不樹喪不貳事

注

封當爲縣窆縣窆者至卑不得引紼下棺雖雨猶葬以其
禮儀少封謂聚土爲墳不封之不樹之又爲至卑無飾也
周禮曰以爵等爲邱封之度與其樹數則士以上乃皆封
樹貳之言二也庶人終喪無二事不使從政也喪大記曰
大夫士既葬公政入於家既卒哭弁經帶金革之事無辟
也正義庶人賤無碑絳縣繩下棺故曰縣窆不須顯異不
積土爲封不標墓以樹案釋廢疾云雖庶人葬爲雨止公
羊說卿大夫臣賤不能以雨止此等之說則在廟未發之
時庶人及卿大夫亦得爲雨止若其已發在路及葬則不
爲雨止其人君在廟在路及葬皆爲雨止周禮冢人注云
王公曰邱諸臣曰封其樹數則無文按白虎
通云天子松諸侯柏大夫栗士槐○封音窆

自天子達於庶人喪從死者祭從生者支子不祭

注從死者謂衣

衾棺椁從生者謂奠祭之牲器白虎通曰葬從死者祭從生者所以追養繼孝也葬從死者子無爵父之義也正義盧植解云從生者謂除服之後吉祭之時以子孫官祿祭其父祖故云從生者若喪中之祭虞祔練祥仍從死者之爵故小記云士祔於大夫則易牲又云其妻爲大夫而卒而后其夫不爲大夫而祔於其妻則不易牲是喪中之祭仍從死者之禮

天子七廟三昭三穆與太祖之廟而七

注此周制七者大祖及文王武王之

祧與親廟四大祖后稷殷則六廟契及湯與二昭二穆夏則五廟無大祖禹與二昭二穆而已晉孫毓曰宗廟之制外爲都宮內各有寢廟別有門垣太祖在北左昭右穆差次而南正義周所以七者以文王武王受命其廟不毀以爲二說并始祖后稷及高祖以下親廟四故爲七也馬昭云按喪服小記王者立四廟禮器云周旅酬六尸一人發

爵則周七尸七廟明矣石渠論白虎通云周以后稷文武特七廟張融謹按周禮守祧職奄八人女祧每廟二人自大祖以下與文武及親廟四用七人姜嫄用一人適盡若除文武則奄少二人且天子七廟者有其人則七無其人則五若諸侯廟制雖有其人不得過五此則天子諸侯七五之異也朱子曰周禮建國之神位左宗廟則五廟皆在公宮之東南矣其制則孫毓之說是也蓋大祖之廟始封之君居之昭之北廟二世之君居之穆之北廟三世之君居之昭之南廟四世之君居之穆之南廟五世之君居之廟皆南向各有門堂室寢而牆宇四周焉大祖之廟百世不遷自餘四廟則六世之後每一世易而一遷遷毀之序昭常爲昭穆常爲穆蓋耐昭則羣昭皆動而穆不移耐穆則羣穆皆移而昭不動其遷之也新主耐於班之南廟南廟之主遷於北廟北廟親盡則遷其主於大廟之西夾室而謂之祧凡廟主在室中皆東向及其祫於大廟之室中則惟大祖東向羣昭之入者皆列於北闕下而南向羣穆之入者皆列於南闕下而北向蓋羣廟之列則左爲昭而右爲穆祫祭之位則北爲昭而南爲穆也此所以耐必以

班而子孫之列亦以爲序宗廟之制但以左右爲昭穆而不以昭穆爲尊卑故五廟同爲都宮則昭常在左穆常在右而外有以不失其序一世自爲一廟則昭不見穆穆不見昭而內有以各全其尊必大禘而會於一室然後序其尊卑之次則凡已毀未毀之主畢陳而無所易唯四時之禘不陳毀廟之主則高祖有時而在穆其禮未有考焉曰然則天子之廟其制若何曰唐之文祖虞之神宗商之七世三宗其詳今不可攷獨周制猶有可言然漢儒說已不同謂后稷始封文武受命而王故三廟不毀與親廟四而七者諸儒之說也謂三昭三穆與太祖之廟而七文武爲宗不在數中劉歆之說也然則大夫士之制若何曰大夫三廟則視諸侯而殺其二而其大祖昭穆之位猶諸侯也適士二廟則視大夫而殺其一官師一廟則視大夫而殺其二然其門堂寢室之制猶大夫也曰其制若何曰天子之山節藻稅複廟重檐諸侯固有所不得爲者矣諸侯之勳聖斷翬大夫有不得爲者矣大夫之倉楹斷桷上又不名曰宮其制有不得而殺耳諸侯五廟二昭二穆與太祖

之廟而五

注大祖始封之君王者之後不爲始封之君廟正義凡始封之君謂王之子弟封爲諸侯爲後

世之大祖當此君之身不得立出王之廟則全無廟也故諸侯不敢祖天子若有大功德王特命立之則可若魯有文王之廟鄭祖厲王是也此始封君之子得立一廟始封六世之孫始五廟備也若異姓始封如太公之屬初封則得立五廟從諸侯禮也王者之後非有功德惟因先代之後封之不得爲後世之大祖得立此君所出王者之廟左傳云宋祖帝乙是也若二王之後郊天之時則得以遠代之祖配天而祭故禮運曰祀之郊也禹也宋之郊也契也

大夫三廟一昭一穆與大祖之廟而三

注大祖別子始爵者大傳曰別子爲

祖謂此雖非別子始爵者亦然正義此據諸侯之子始爲卿大夫謂之別子是嫡夫人之次子或衆妾之子別異於正君此事凡有數條一是別子初雖身爲大夫中間廢退至其遠世子孫始得爵命者則以爲大祖別子不得爲大祖也二是別子及子孫不得爵命後世始得爵命自得爲大祖三是全非諸侯子孫異姓爲大夫者及他國之臣初

來任為大夫者亦得為大祖士一廟注謂諸侯之中士下士名曰自師

二廟官師一廟鄭既云諸侯之中士下庶人祭於寢注寢

也正義庶人在官府史之屬及尋常庶人以其無廟故惟薦而已

天子諸侯宗廟之祭春日禘夏日禘秋曰嘗冬曰烝注此

殷之祭名周則改之春日祠夏日禘以禘為殷祭詩小雅

曰祠祠烝嘗于公先王此周四時祭宗廟之名說文春祭

物未成其祭品鮮薄也孫炎云禘者新菜可禘皇氏云禘

者大弟也夏時物雖未成空依時大弟而祭之白虎通云

嘗者新穀熟而嘗之烝者眾也冬之時物成者眾孫炎云

也烝進也進品物也○禘余若反

天子祭天地諸侯祭社稷大夫祭五祀

注五祀謂司命也中霤也門也行也

厲也此祭謂大夫有地者其無地祭三耳

天子祭天下名山大川五嶽視三公四瀆視諸侯

注視視其牲器

之數爾雅釋水江淮河濟爲四瀆四瀆者發源注海者也史記引古文揚誥曰古禹臯陶久勞於外東爲江北爲濟西爲河南爲淮四瀆已修萬民乃有居諸侯祭名山大川之在其地者

注魯人祭

泰山晉人祭河是也正義泰山是齊魯之界故齊亦祭之春秋僖三十一年公羊傳天子祭天諸侯祭土天子有方望之事無所不通諸侯山川有不在其封內者則不祭也何休注郊者所以祭天也土謂社也方望謂郊時所望祭四方羣神日月星辰風伯雨師五嶽四瀆及餘山川凡三十六所天子諸侯祭因國之在

其地而無主後者

注謂所因之國先王先公有功德立享世祀今絕無後爲之祭主者昔夏后氏

郊鯀至杞爲夏後而更郊禹晉侯夢黃熊入國而祀夏郊此其禮也胡邦衡曰因國謂所都所封之內因古聖哲所

居之地若晏子云夾鳩氏始居此地而後季釐因之有逢伯陵因之蒲姑氏因之而後大公因之也

天子牲禘禘禘嘗禘烝注牲猶一也禘合也天子諸侯

祭之謂之禘後因以為常天子先禘而後時祭諸侯先時

祭而後禘凡禘之歲春一禘而已不禘以物無成者不殷

祭周改夏祭曰禘以禘為殷祭也魯禮三年喪畢而禘於

大祖明年春禘於羣廟自爾之後五年而再殷祭一禘一

禘春秋文二年穀梁傳禘祭者毀廟之主陳于大祖未毀

廟之主皆升台祭於大祖范甯注禘祭者皆合祭諸廟已

毀未毀者于大祖廟中以昭穆為次序父為昭子為穆

昭昭南鄉穆北鄉孫從王父坐也祭畢則復還其廟諸侯

禘則不禘禘則不嘗嘗則不烝烝則不禘注虞夏之制諸

祭諸侯禘牲注互明禘一牲一禘禘禘注下天子也嘗禘烝禘

禮記外傳曰禘禘謂之殷祭禘大而禘小春秋之經有禘

而無禘毀廟無時祭但五年有二殷祭耳神主入廟先為

一禘爲將遞遷徧告之也明年春禘而又禘禘後二年一禘禘後三年一禘自此爲常正義天子之祭當禘之歲以春物未成不爲禘祭惟牲爲時祭之禘故云牲禘夏秋冬之時先爲禘祭後爲時祭故云禘禘嘗禘烝先爲大禮也諸侯嘗禘烝禘諸侯位卑取其漸備故先小禮後大禮禮緯云三年一禘五年一禘鄭云百王通義則虞夏殷周同禘亦三年爲一也熊氏一說謂三年除喪特禘新死者於廟未知然否禘禘志云王制記先王之法禘爲大祭禘於夏於秋於冬周公制禮祭不欲數又禘禘志云閔公之喪僖三年禘禘六年禘僖八年禘凡三年喪畢新君二年爲禘三年爲禘皆禘在禘前閔公二年五月吉禘於莊公則禘當在吉禘之前故禘禘志云四月禘五月禘不議禘者慶父作亂國家多難故莊公既葬經不入庫門閔公早厭其亂故四月禘五月卽禘比月而爲大祭又閔公之服凡二十一月於禮少四月又不禘云吉禘議其無恩也閔公以二年八月薨僖二年除喪始禘大廟明年禘於羣廟自此而後五年再殷祭六年禘故八年禘僖公以三十三年十二月薨至文二年七月有閔積二十一月明月卽禘

經云八月丁卯大事於大廟躋僖公於文公之服亦少四月以其逆祀故特譏之文公十八年二月薨宣二年除喪而禘三年禘於羣廟自此之後亦五年再殷祭與僖同六年始故八年禘昭十一年五月夫人齊歸薨十三年平邱之會歸不及禘冬公如晉昭十四年春歸乃禘故十五年春乃禘經云二月癸酉有事於武宮至十八年禘二十年禘二十三年禘昭二十五年禘於襄公也此是鄉論魯之禘禘以天子之禮與魯同也其禘禘大小鄭以公羊傳云大事者何大禘也毀廟之主陳于大祖未毀廟之主皆升合食於大祖故為大事若王肅張融孔晁皆以禘為大禘為小又引禘於大廟逸禮其昭尸穆尸祝辭總稱孝子孝孫則是父子並列逸禮又云皆升合於大祖所以劉歆賈逵鄭眾馬融等皆以為然鄭不從者以公羊傳為正逸禮不可用也又曾子問云七廟五廟無虛主虛主者惟天子崩與禘祭祝取羣廟之主明禘祭不取羣廟之主可知爾雅云禘大祭也謂比四時為大也約則不禘者南方諸侯春約祭竟夏來朝故闕夏禘禘則不嘗者西方諸侯行夏祭竟秋來朝故不嘗也嘗則不烝北方諸侯行秋祭竟冬

來朝故廢烝也烝則不勑東方諸侯行冬祭竟春來朝故廢禘也。○植音特禘音洽

天子社稷皆大牢諸侯社稷皆少牢大夫士宗廟之祭有

田則祭無田則薦

注有田者既祭又薦新祭以首時薦以仲月士薦牲用特豚大夫以上用羔所

謂羔豚而祭百官皆足詩曰四之日其早獻羔祭韭

庶人春薦韭夏薦麥秋薦黍冬

薦稻韭以卵麥以魚黍以豚稻以鴈

注庶人無常牲取與新物相宜而已賈氏

儀禮疏羊豕曰少牢牛羊豕三牲具爲大牢若一牲不得牢名故郊特牲與特牲皆不言牢也王氏念孫曰此鴈謂鵝非謂鴻鴈也卵魚豚鴈皆民家所常畜故庶人薦之

祭天地之牛角釭粟宗廟之牛角握賓客之牛角尺

注握謂長

不出膚正義鄭注投壺禮云四指曰扶扶

則膚也○釭又作釭公典反握鳥角反

諸侯無故不殺牛大夫無故不殺羊士無故不殺犬豕庶

人無故不食珍

注故謂祭饗正義周公制禮天子日食大

食特豚至後世衰亂玉藻云天子食日少牢朔月大牢諸侯食日特牲朔月少牢則知大夫食日特豚朔月特牲士日食無文朔月特豚故內則曰見子具視朔食注云天子大牢諸侯少牢大夫特豕士特豚是常食有限不得踰越諸侯祭以大牢得殺牛諸侯之大夫祭以少牢得殺羊天子大夫祭亦得殺牛其諸侯及大夫饗食賓得用牛故大行人掌客諸侯待賓公食大夫禮大夫食賓皆用牛也

庶羞不踰牲

注祭以羊則不以牛肉爲羞正義案有司徹

食內則云糝取牛羊豕之肉得用牛者祭既用少牢則糝亦不用牛肉以羊肉爲羞燕衣不踰祭服

暖不踰廟

○燕伊見反

古者公田藉而不稅

注藉之言借也借民力治公田美惡取於此不稅民之所自治也孟子曰

夏后氏五十而貢殷人七十而助周人百畝而徹則所云古者謂殷時說文藉帝藉千畝也古者使民如借故謂之藉勸商人七十而勸勸藉稅也周禮曰以興物利萌正義公田謂民田之外別作公田一井之中凡有九夫中央一夫以爲公田鄭注匠人云以載師職及司馬法論之周制畿內用夏之貢法稅夫無公田以詩春秋論語孟子論之周制邦國用殷之助法制公田不稅夫此三代所以別也凡賦法無過十一先儒約孟子樂緯皆九夫爲井八家共治公田八十畝已外二十畝以爲八家井竈廬舍是百畝之外別助是十外稅一郊外旣十外稅一郊內亦十外稅一市廛而不稅

注廛市物邸舍稅其舍不稅其物正義廛謂公家邸舍使商人停物於中直稅其所

舍之處不稅其在市所賣之物

關譏而不征

注譏異服

市內空地曰廛城內空地曰肆

關譏而不征譏異言征亦

凶年則無稅也猶須議禁議謂何察禁謂防遏

林麓川

澤以時入而不禁

注麓山足也正義以時入者類祭魚鱉後漁人入澤梁謂民庶有采取官不限

禁夫圭田無征

注夫猶治也征稅也孟子曰卿以下必有圭田治圭田者不稅所以厚賢也此則周

禮之士田以任近郊之地稅什一正義圭絜白也言卿大夫德行絜白乃與之田胡邦衡曰夫發語辭○藉在亦反

稅式

覲反

用民之力歲不過三日

注治宮室城郭道渠正義前明殷法此兼通周禮案周禮均人云豐

年旬用三日中年旬用二日無年旬用一日年歲不同雖豐不得過三日

田里不粥墓地不請

注皆受於公民不得私也粥賣也請求也正義田地里邑既受之於公民

不得粥賣冢墓之地公家所給族葬有常不得輒請其餘處○粥音育

司空執度度地

注司空冬官卿掌邦事者度丈尺也釋文度量也

居民山川沮澤

時四時

注觀寒煖燥溼沮謂菜沛釋文沮沮如也何休注公羊傳云草棘曰沛量地遠近注

邑井

興事任力

注事謂築邑廬宿市也正義司空執丈尺之度觀山川高下之宜沮澤浸潤之處候

此四時知其寒煖燥謂山也溼謂川與沮澤何允云沮澤下溼地也草所生爲菜水所生爲沛案小司徒云九夫爲井四井爲邑謂平原之地堪造邑井左傳所謂井衍沃也若山林藪澤則不堪爲井也遺人云凡國野之道十里有廬三十里有宿

五十里有市

凡使民任老者之事食壯者之食

注寬其力饒其

食正義凡國家爲役老則功少壯則功多今使民之時雖役壯者限以老者之功程故曰任老者之事凡廩餼牲體壯者食多老者食少雖老者給以壯者之料故食壯者之食○度上如字下夫洛反沮將慮反食音嗣

凡居民材必因天地寒煖燥溼

注使其材藝堪地氣也廬注能寒者使居寒能暑者

使居

廣谷大川異制

注謂其形象

民生其間者異俗

注謂其剛所好惡剛

柔輕重遲速異齊

注謂其性情緩急

五味異和

注謂香臭與鹹苦

器械異

制

注謂作務之用漢書制器械之品應劭曰內盛曰器外盛曰械釋文何休注公羊云攻守之器曰械鄭注大傳

云禮樂之器及兵甲也郭璞三蒼解詁云械器之總名

衣服異宜

注謂禮裘與絺綌

修其教

不易其俗齊其政不易其宜

注教謂禮義政謂刑禁正義性謂稟性自然情者既有議

知心有奸惡當逐物而遷故有喜怒哀樂好惡此經云剛柔輕重遲速天生自然是性也連言情者情是性之小別因性連言情耳俗謂民之風俗宜謂土地器物所宜教謂禮義教化政謂政令施爲○媛乃管反齊才細反和胡卧

反械戶戒反

中國戎夷五方之民皆有性也不可推移

注地氣使之然

東方曰

夷被髮文身有不火食者矣南方曰蠻雕題交趾有不火

食者矣

注雕文謂刻其肌以丹青涅之交趾足相親然浴則同川卧則偁不火食地氣煖不爲病

西方

曰戎被髮衣皮有不粒食者矣北方曰狄衣羽毛穴居有

不粒食者矣

注不粒食地氣寒少五穀

中國夷蠻戎狄皆有安居和味

宜服利用備器

注其事雖異各自足

五方之民言語不通嗜欲不同

達其志通其欲東方曰寄南方曰象西方曰狄鞮北方曰

譯

注皆俗閒之名依其事類耳鞮之言知也今冀部有言狄鞮者正義舉戎夷則蠻狄可知五方之民謂中國與

四夷也文身者謂以丹青文飾其身題謂額也非惟雕亦文身也故仲雍居吳越左傳曰斷髮文身趾足也言蠻

卧時頭向外足在內而相交故曰交趾衣皮者以無絲麻

惟食禽獸故衣皮也東北方多鳥故衣羽正北多羊故衣

毛疑寒至盛林木又少故穴居以木土各異故言語不通

好惡殊別故嗜欲不同寄謂傳奇外內言語象言放棄外

內之言狄獫者言通傳夷狄之語與中國相知譯陳也謂
陳說外內之言東方謂之夷者風俗通云東方人好生用
物厭觸地而出夷者厭也南方曰蠻者風俗通云君臣同
川而浴種爲簡慢蠻者慢也西方曰戎者風俗通云斬伐
殺生不得其中戎者兇也北方曰狄者風俗通云父子嫂
叔同穴無別狄者辟也其行邪辟陳用之曰奇象製譯在
周官所謂象胥是也達其志通其欲象胥所謂協其言辭
傳之是也○被皮義反衣於既反下同奇京義反雙丁兮
反譯
音亦

凡居民量地以制邑度地以居民地邑民居必參相得也

無曠土無游民食節事時民咸安其居樂事勸功尊君親

上然後興學

注得猶足也立小學大學正義樂事謂民樂
悅事務勸功謂勉勵立功尊君謂臣民尊君

親上謂在下親愛長上民富而可教如此然後可得興學
也方性夫曰無曠土則地無遺利無游民則人無遺力食

節則無不足之患事時則無不急之務樂事則不至於勞苦勸功則不由於勉強尊君則爲臣者有遲志親上則在下者無離心至此然後教學之道可致其詳故也。度大洛反參七南反樂音洛

司徒修六禮以節民性明七教以興民德齊八政以防淫

一道德以同俗養耆老以致孝恤孤獨以逮不足上賢以

崇德簡不肖以紕惡

注司徒地官卿掌邦教者逮及也簡差擇也正養六禮謂冠昏喪祭鄉相

見稟性自然剛柔輕重遲速之屬恐其失中故以六禮節其性七教卽父子兄弟夫婦君臣長幼朋友賓客德者得也恐人不得其所故以七教興舉其民使之皆得其所也八政飲食衣服事爲異別度量數制淫謂過奢侈故以禁令防淫過之失道履蹈而行謂齊一所以道以同國之風俗敬養耆老所以致恭孝之心哀恤孤獨所以逮及不足尊上賢人所以崇獎有德簡去不肖所以紕退惡人方性夫曰齊八政所以使之無過行故曰防淫一道德所以

使之無異習故曰同俗六十日者七十日老者老在所養則耄期可知無父曰孤無子曰獨孤獨在所恤則寡寡可知○紉勅律反

命鄉簡不帥教者以告

注帥循也不循教謂放狠不孝弟者司徒使鄉簡擇以告者鄉屬司

徒耆老皆朝于庠元日習射上功習鄉上齒大司徒帥國

之俊士與執事焉

注將習禮以化之使之觀焉耆老致仕及鄉中老賢者朝猶會也此庠謂鄉學

也鄉謂飲酒也鄉禮春秋射國蜡而飲酒養老正義爲此不帥教之人習其射禮中者在上故云上功又於鄉學習鄉飲酒之禮令老者居上故云上齒觀其上功自勵爲功觀其上齒則知尊敬長老使俊士與之以爲榮惡者慕之而自勵言國之俊士不變命國之右鄉簡不帥教者移之則非惟鄉內之人

左命國之左鄉簡不帥教者移之右如初禮

注中年考文而又下鄉

轉徙其居觀其見新入有所化也亦復習禮於鄉學使之觀焉注不變移之郊如初禮注鄉界

之外者也稍出遠之後中年又為之習禮於郊學王注天子四郊有學去王都五十里不變移之遂

如初禮注復遠郊之外曰遂遂大夫掌之又中年不變屏之

遠方終身不齒注遠方九州之外齒猶錄也正義上云命鄉簡不帥教者謂初入學一年之終簡不

帥教之人為之習射習鄉此謂閏一年而考校之不變者右鄉移左左鄉移右不變移之郊者謂五年之時更簡不

帥教者移之遂者謂七年之時屏之遠方謂九年之時

命鄉論秀士升之司徒曰選士注移名於司徒也秀士鄉大夫所考有德行道藝者

司徒論選士之秀者而升之學曰俊士注可使習禮者學大學王氏懋茲曰

孔氏推其說謂二十而冠始學禮此升於大學曰俊士又引尚書大傳王子公卿大夫元士之適子十三入小學二

十八大學餘子十五入小學十八入大學鄉人當與餘子同故鄭知二十習禮之時在大學也據此則鄭孔皆以鄉學爲小學國學爲大學也然二十之時未必有德行道藝可攻而鄉簡不帥教者至於移郊移遂亦非小學中事也鄭注王制又云上庠右學東序東膠大學也下庠左學西序虞庠小學也未云其立鄉學亦如之是國學中固有大學小學鄉學中亦當有大學小學也孔疏以鄭注鄉學專承上文庠制似鄉無大學又謂黨學教閭中所升遂學教黨學所升則亦似升於司徒者不征於鄉升於學者不征有大小學之分也

於司徒曰造士

注不征不給其繇役造成也能習禮則爲成士正義鄉大夫考校此鄉學之人有秀

異之士移名於司徒其身猶在鄉學升於學者身升於大學非惟升名而已征謂力役選士雖升名司徒猶給鄉之繇役俊士身雖升學亦給司徒繇役若學業既成免其繇役者是爲造成之士王氏懋茲曰升於司徒者卽選士升於學當卽指俊士後云國之俊選皆造焉又云大樂正論造士之秀者言俊選不言造士言造士不言俊選則造士

即俊選可知而孔
疏所言失其指矣

樂正崇四術立四教

注樂正樂官之長掌國子之教虞書曰夔命汝典樂教胄子崇高也高尚

其術以作教也幼者教之於小學長者教之於大學尚書傳曰年十五始入小學十八入大學順先王詩

書禮樂以造士

注順此四術而教以成是士也春秋教以禮樂冬夏教以

詩書

注春夏陽也詩樂者聲聲亦陽也秋冬陰也書禮者事事亦陰也互言之者皆以其術相成

王大

子王子羣后之大子卿大夫元士之適子國之俊選皆造

焉

注皆以四術成之王子王之庶子也羣后公及諸侯王

氏念孫曰羣后即諸侯而三公不與焉卿大夫元士卿上當有公字考本書之例皆以公侯伯子男爲一類三公九卿大夫元士爲一類下文云王命三公九卿大夫元士皆入學是也且三公之子禮未有稱爲大子者則三公不在羣后之中明矣白虎通義辟雍類引王制云羣后之大

子公卿大夫元士之適子

凡入學以齒

注皆以長幼受將學不用尊卑

出學小胥大胥小樂正簡不帥教者以告于大樂正大樂

正以告于王

注此所簡者謂王太子王子羣后之太子卿大夫元士之適子大胥小胥皆樂官屬也出

學謂九年大成學止也

王命三公九卿大夫元士皆入學不變王親

視學

注亦爲使習禮以化之不變王又親爲之臨視重弃賢者子孫此習禮皆於大學也

不變王三

日不舉

注去食樂重弃人

屏之遠方西方曰棘東方曰寄終身不

齒

注棘當爲棘棘之言偏使之偏寄於夷戎不屏於南北爲其大遠正義謂樂正之官當光揚尊崇此四術以爲教謂教揚義理贊明旨趣使學者知之術者道路之名詩書禮樂是先王之道路謂之術方性夫曰天子之子嫡庶皆與諸侯而下庶子不與隆殺之別也選士方升於司徒亦得與者教無內外之別故也○適丁歷反屏必郢反棘

依注音焚

蒲北反

大樂正論造士之秀者以告于王而升諸司馬曰進士

注移

名於司馬司馬夏官卿掌邦政者進士可進受爵祿也正
義此文承王子公卿大夫之子似專據王子等其實鄉人
入學爲造士者亦同於此其鄉人不在學者及邦國所貢
之士亦當升諸司馬以司馬掌爵祿故有司士屬焉其職
云以德詔爵以功詔祿卽司馬辨論官材注辨其論官其
材觀其所長

論進士之賢者以告於王而定其論

注行署其所長

論定然後官

之注使之
試守

任官然後爵之

注命

位定然後祿之

正義司馬
得此所論

之狀乃更觀其材能高下知其堪任何官是準擬其官以
其材若長於禮者署擬於禮官長於樂者署擬於樂官擬
定然後試之以所能之官堪任此官然後爵
命之既受爵命使有職位然後與之以祿

大夫廢其事終身不仕死以士禮葬之

注以不任大夫也正義致仕而退死

得以大夫禮葬故論語注云大夫退死葬以士禮致仕以大夫禮葬是也

有發則命大司徒教士以車甲

注乘兵車衣甲之儀有發謂有軍師發卒正義國有

軍旅以發士卒是司馬之事王則命大司徒教此士卒以車甲之事必司徒者以司徒主衆又主教故與司馬相參也

凡執技論力適四方贏股肱決射御

注謂擻衣出其臂脛使之射御決勝負見

勇力○贏本又作贏力果反肱古宏反

凡執技以事上者祝史射御醫卜及百工

注言技謂此七者凡執

技以事上者不貳事不移官

注欲專其事亦爲不德

出鄉不與士齒

注賤也於其鄉仕於家者出鄉不與士齒注亦賤正義執

中則齒親親也條上條論課試武夫技藝之事中條論執技之人射御之

外祝史醫卜之等下條論執技之人不得更爲二事以其

賤故出鄉不與士齒所以不貳事不移官者欲使專事亦

爲技藝賤薄不是道德之事故不許之方性夫曰祝若周

官大祝之類史若周官大史之類祝史皆事神之官以其

作辭以事神故曰祝以其執書以事神故曰史醫則醫師

之類卜則卜師之類百工則土工木工金工石工之類以

其類非一故以百言之不貳事欲其無異習不移官欲其

有常守不與士齒者以執技之賤不得與執德者序長幼

也然必出鄉而後不與之齒者以鄉黨尚齒故也仕於家

曰僕禮運曰與家僕雜居齊齒非禮也

司寇正刑明辟以聽獄訟注司寇秋官卿必三刺注以求

其獄訟之中一日訊羣臣注刑者辟罪也有旨無簡不聽附從輕注以

二日訊羣吏三日訊萬民注簡誠

意無其誠者不論以為罪

赦從重

注雖是罪可重猶赦之正義謂司寇當正定刑

附施刑也求出之使從輕

書明斷罪法使刑不差貳法不傾邪既得其所犯之罪雖

有旨意無誠實之狀則不聽之此人所犯之罪在輕重之

閒則當求可輕之刑而附之罪疑惟輕是也所犯之罪本

非意故為而入重罪今放赦之時從重罪之上而赦之皆

災肆赦

是也

凡制五刑必即天論郵罰麗於事

注制斷也即就也必即天論言與天意合即或

為則論或為倫郵過也麗附也過人罰人當各附於其事
不可假他以喜怒正義倫理也謂就天之倫理即是生殺
得中之理郵罰麗於事者言斷人罪過及責罰其身皆依
附於所犯之事不可離其本事假他事而為喜怒也○論

倫音

凡聽五刑之訟必原父子之親立君臣之義以權之意論

輕重之序慎測淺深之量以別之

注權平也意思念也淺深謂俱有罪本心有善

惡釋詰慎誠也彬謂慎思也方言靖慎思也東齊海岱之間曰靖秦晉或曰慎凡思之貌亦曰慎

悉其聰

明致其忠愛以盡之

注盡其情

疑獄汜與衆共之衆疑赦之必

察小大之比以成之

注小大猶輕重已行故事曰比正義凡犯罪之人或子爲父隱臣爲國諱

雖觸刑禁而非其本惡故聽訟者本其宿情立其恩義爲平量之恕而免放慎測淺深者謂分別善惡使不相亂聽獄之人盡悉已之聰明尋其事之根本又致其忠恕仁愛不使嚴酷枉濫以盡犯罪人情不有抑屈疑獄謂事可疑難斷者也汜廣也已若疑彼罪而不能斷決當與衆庶共論決之若衆人疑或則當放赦之小大猶輕重也比例也言雖疑而赦之不可直爾而放當必察按舊法輕重之例以成於事○量音亮汜本又作汎手劍反

成獄辭史以獄成告於正正聽之

注史司寇史也正於周鄉師之屬今漢有正平

丞秦正以獄成告於大司寇大司寇聽之棘木之下注周禮

師之屬辨其獄訟異其死刑之罪而要之職聽於朝司寇聽之朝王之外朝也左九棘孤卿大夫位焉右九棘公侯

伯子男位焉面三槐三公位焉大司寇以獄之成告於王王命三公參聽

之刑也注王使三公復與司寇及正共平之重三公以獄之成

告於王王三又然後制刑注又當作宥宥寬也一宥曰不

凡作刑罰輕無赦注法雖輕不赦之為人易犯說文刑者

例也例者成也一成而不可變故君子盡心焉注變更也

禮鄉士掌六鄉之獄若欲免之則王會其期遂士掌六遂

之獄若欲免之則王命三公會其期縣士掌野獄若欲免之則王命六卿會其期獨舉遂士者舉中以見上下則六卿王自會之縣野之獄王命六卿會之六卿以告於王也

刑者例也。上刑是刑罰之刑，下例是例體之例。以刑罰加人，例體斷者不可續死者不可生，故君子盡心以聽刑焉。

析言破律亂名改作執左道以亂政殺

注析言破律巧賣法令者也亂名改

作謂變易官與物之名更造法度左道若巫蠱及俗禁正

義盧云左道謂邪道地道尊右右為貴故漢書云右賢左愚右貴左賤故正道為右不正道為左蠱者損壞之名也

左傳云皿蟲為蠱俗禁者苦前漢張棟行辟反支是也

注淫聲鄭衛之屬也異服若聚鵠冠瓊弁也奇

技奇器若公輸般請以機變

行偽而堅言偽而辯學非而博順非而得

以疑衆殺

注皆謂虛華捷給無誠者也正義行此詐偽而守之堅固不肯變改言談偽事辭理明辨不可

屈止習非違之嗜而又廣

假於鬼神時日卜筮以疑衆

博順從非違之事而能文飾

殺注今時特喪葬築蓋取卜數文書使民倍禮違此四制正義妄陳邪術恐懼於人假託吉凶以求財利此四

誅者不以聽

注爲其爲害大而能不可
明○析息歷反行下孟反

凡執禁以齊衆不赦過

注亦爲人
將易犯

有圭璧金璋不粥於市

王氏引之曰考工記玉人之事大璋中璋邊璋之類皆無
金飾若云金飾之璋不粥於市豈無金飾者遂可粥於市
乎今案金當作宗宗者琮之假借琮從宗聲而借用宗猶
璋從章聲而借用章耳圭璧琮璋聘禮所謂四器古人多
並言者春官典瑞瑑圭璋璧琮以類聘盟圭璋璧琮以敘
尸是也家語刑政篇載此文作圭璋璧琮不粥於市易林
需之井珪璧琮璋執命服命車不粥於市宗廟之器不粥
摯見王其次序正合

於市犧牲不粥於市戎器不粥於市

注尊物非民所宜有
戎器軍器也粥賣也

正義尊貴所合蓄之物非民所宜有
防民之僭僞也軍器防民之賊亂也

用器不中度不粥於

市兵車不中度不粥於市布帛精麤不中數幅廣狹不中

量不粥於市姦色亂正色不粥於市

注凡以其不可用掛用器弓矢耒耜飲

器也度丈尺也數升縷多少正義布帛精粗者若朝服之

布十五升斬衰三升齊衰四升之類是也廣狹者布廣二

尺二寸帛則未闕鄭注周禮引逸巡守禮幅廣四

尺八寸爲咫鄭注四當爲三則帛廣二尺四寸 錦文珠

玉成器不粥於市衣服飲食不粥於市

注不示民以奢與貪也成猶善也正

義錦文珠玉是華麗之物富人合有但不得聚之過 五穀

多此衣服飲食與珠玉連文據華美者不得粥之

不時果實未孰不粥於市

注物未成不利人

木不中伐不粥於市

注伐之非時不中用周禮

仲冬斬陽木仲夏斬陰木 禽獸魚鼈不中殺不粥於市

注殺 之非時不中用月令季冬始漁周禮春獻鼈蟹方性夫曰

言生璧璋則琥璜之類可知命服君所命之服若再命

受服者是命車君所命之車若三命受車馬者是戎器不

粥而入車中度得粥之者以邱乘出車賦而兵車之粥不

可禁故也。姦色謂若紅紫之類，正色謂若元黃之類。錦文猶月令之言文繡珠玉未成器而得幣於市者以用之爲器，然後見其爲奢也。

○中丁仲反，下皆同。

關執禁以譏禁異服識異言

注：關竟上門譏呵察正義，關之官執此戒禁之書以譏。

察出入之人防

姦偽察非違

大史典禮執簡記奉諱惡

注：簡記策書也。諱先王名惡忌日。若子卯正義此惡亦兼餘事。

故誦訓云：掌道方慝以詔辟忌。鄭注云：方慝四方言語所惡是也。○惡烏路反。

天子齊戒受諫

注：歲終羣臣奏歲事諫王當所改爲也。

司會以歲之成質於

天子

注：司會京宰之屬掌計要者成計要也。質猶平也。平其計要。

冢宰齊戒受質

注：質王受

之
大樂正大司寇市三官以其成從質於天子

注：大樂正於周宗伯。

之屬市司市也於周司
徒之屬從從於司會也
大司徒大司馬大司空齊戒受質

百官各以其成質於三官大司徒大司馬大司空以百官

之成質於天子注百官此三官之屬百官齊戒受質注受平報也然後休

老勞農注饗養之成歲事注斷計要也制國用正義司會總主羣官治要故以一歲治要

之成質於天子冢宰貳王治事故亦齊戒贊王受羣官所
平之事謂共王論定也以周法言之司會總主羣官簿書
惟大樂正大司寇市三官從司會質於天子者樂正司寇
司市當司事少即徑從司會以質於王其司徒司馬司空
總主萬民其事既大雖司會進其治要仍須各受質屬自
親自質於天子天子平斷畢當須報於下故在下百官齊
戒受天子所平之要休老勞農者即十月蜡祭之時飲酒
勞農也成歲事者一歲事成乃轉來歲之國用也陳用之
日周官司會以參互考日成以月要考月成以歲會成歲
成以詔王及冢宰則詔王者質於天子是也詔冢宰者

宰齊戒受質是也休老黨正所謂正齒位備章所謂息老物是也勞農郊特牲所謂息田夫月令所謂勞農而休息之是也○齊制皆反會古外反

凡養老有虞氏以燕禮夏后氏以饗禮殷人以食禮周人

脩而兼用之

注兼用之備陰陽也凡飲養陽氣凡食養陰氣陽用春夏陰用秋冬

五十養於

鄉六十養於國七十養於學達於諸侯

注天子諸侯養老同也國國中小學

在王宮之左學大學也在郊小學在國中大學在郊此殷制明矣正義皇氏云人君養老有四種一是養三老五更二是子孫爲國難而死王養死者父祖三是養致仕之老四是引戶校年養庶人之老熊氏云天子視學之年養老一歲有七謂四時皆養老按文王世子云凡大合樂必養老注云大合樂謂春入學合菜合舞秋頌學合聲通前爲六又季春大合樂天子視學亦養老是總爲七也盧氏云燕禮既饗升堂崔氏云燕者殺烝於俎行一獻之禮坐

而飲酒以至於醉以虞氏帝道宏大故養老以燕禮饗禮者崔氏云饗則體薦而不食爵盈而不飲依尊卑爲獻取數畢而已夏貴尙於禮故養老以饗禮食禮者崔氏云不飲酒享太牢以禮食之殷人質素威儀簡少故養老以食禮周人修三代之禮而兼用之以周極文故兼用三代之法也皇氏云饗禮其牲則體薦體薦則房烝其酌數亦高依命其牲折俎亦曰般烝也食禮者有飯有祫雖設酒而不飲其禮以飯爲主故曰食也燕禮者凡正饗食在廟燕則於寢禮則折俎有酒而無飯也其牲用狗毛傳云燕安也其禮最輕升堂行一獻禮畢而說屢升堂坐飲以至醉也又春合舞秋合聲卽是春秋養老之事冬夏更無養老通季春大合樂有三養老也熊氏以爲一年七養老義實可疑皇氏云春夏雖以飲爲主亦有食先行饗次燕次食秋冬以食爲主亦有饗先行食次燕次饗一日之中三事行畢義或然也達於諸侯者言此養老之事非惟天子之法乃通達於諸侯盧王等以爲善於鄉云不爲力政養於國云不與服戎皆謂養庶人之老也陳用之曰天子養老有三國老也庶老也死政者之老也歲養之也三仲春也

季春也仲秋也若夫簡不帥教出征受成以訊讎告凡天子入學莫不養老又不在歲養之數羅氏獻鳩以養之者國老也司徒以保息養之者庶老也司門以其財養之者死政者之老也先王父事三老兄事五更乃羣老之尤者而致仕之老固在其閒皇氏離而三之誤月令無冬夏養老之文周禮禮記特言春養秋食而已熊氏謂養老歲有七亦誤。

食音嗣

八十拜君命一坐再至替亦如之九十使人受

注命謂君不親饗食

必以其禮致之正義八十年漸衰弱不堪來學受養君以饗食之禮使之就家致之替人無目恐其傾倒拜君命之時亦當如此方性夫曰坐亦跪也拜君命之時足一跪而首再至於地也九十筋力尤衰不必親拜特使人代受其命可也

五十異糧六十宿肉七十貳膳八十常珍九十飲食不離

寢膳飲從於游可也

注糗糧也貳副也游謂出入止觀正義五十始衰糧宜自異六十轉老故

恒宿肉在帳下不使求而不得也膳善食也恒令有儲副不使有闕也珍謂常食之皆珍奇美食尋常使有不離寢者謂老人飲食無時急求須得從於游者謂美善之膳水漿之飲從於老人所游之處可也○糗陟良反離力智反

六十歲制七十時制八十月制九十日脩唯絞給衾冒死

而后制

注絞給衾冒一日二日而可爲者釋名以囊給其形曰冒覆其形使人勿惡也已衣所以束之曰絞

矜絞交也交結之也矜禁也禁繫之也正義明老而預爲送終之具也歲制謂棺也此謂大夫以下耳人君卽位爲棺不待六十也椁則死後爲之以其葬尙除檀弓云旬而布材是也時制一時可辦是衣物之難得者月制謂一月可辦衣物易得者漸老彌切也至九十棺衣皆畢但日日修理之爲近於終也○絞戶交反給其鳩反冒亾報反

五十始衰六十非肉不飽七十非帛不煖八十非人不煖

九十雖得人不煖矣

注煖溫。煖乃管反。

五十杖於家六十杖於鄉七十杖於國八十杖於朝九十

者天子欲有問焉則就其室以珍從

注尊養之。

七十不俟朝

注大夫士之老者損君則退。

八十月告存

注每月致膳。

九十日

有秩

注秩常也有常膳正義此謂大夫士老年而聽致事者七十朝君之時入至朝位君出揖之即退不待朝

畢也若不聽致仕則祭義云七十杖於朝八十不俟朝告謂問也君每月使人致膳告問存否九十老極君日使人以常

膳致之

五十不從力政

王氏引之曰力政之政讀爲征。

六十不與服戎七十不與

賓客之事八十齊喪之事弗及也

注力稍衰也力政城道之役也與及也八十不

齊則不祭也子代之祭是謂宗子不孤正義此惟據庶人之事謂築城垣治道也其大夫士六十未致仕若爲軍將當與服戎

○與音預

五十而爵

注賢者命爲大夫

六十不親學

注不能備弟子禮

七十致政唯

衰麻爲喪

注致政還君事

有虞氏養國老於上庠養庶老於下庠夏后氏養國老於

東序養庶老於西序殷人養國老於右學養庶老於左學

周人養國老於東膠養庶老於虞庠虞庠在國之西郊

注皆

學名也異者四代相變耳或上西或上東或貴在國或貴在郊上庠右學大學也在西郊下庠左學小學也在國中王宮之東東序東膠亦大學在國中王宮之東西序虞庠亦小學也西序在西郊周立小學於西郊膠之言斜也庠

之言養也周之小學爲有虞氏之庠制是以名庠云其立
鄉學亦如之膠或作絳正義養老必在學者以學教孝弟
之處故於中養老熊氏云國老謂卿大夫致仕者庶老謂
士也皇氏云庶老兼庶人在官者其致仕之老大夫以上
常養從國老之法士養從庶老之法虞殷尙質貴取物成
故大學在西小學在東夏周貴文取積漸長養故大學在
東小學在西庠則後有室前有堂若夏后氏之序周之學
皆與庠制同其州黨之序則敬前而已序則豫也故鄉射
云豫則鉤楹內堂則由楹外彼鄭注豫讀如成周宣謝災
之謝是也孫氏志祖曰虞庠在國之西郊據北史劉芳傳
引作四郊是也四郊小學卽東西南北之四學祭義天子
設四學注云四學謂周四郊之虞庠也正義皇氏云四郊
虞庠以四郊皆有虞庠則
西字爲四字之譌無疑

有虞氏皇而祭深衣而養老夏后氏收而祭燕衣而養老
殷人冔而祭縞衣而養老周人冕而祭元衣而養老

注皇冕屬

也畫羽飾焉凡冕屬其服皆元上纁下有虞氏十二章周九章夏殷未聞凡養老之服皆其時與羣臣燕之服有虞氏質深衣而已夏而改之尙黑而黑衣裳殷尙白而縞衣裳周則兼用之元衣素裳其冠則牟追章甫委貌也諸侯以天子之燕服爲朝服燕禮曰燕朝服服是服也王者之後亦以燕服爲之魯季康子朝服以縞僭宋之禮也天子皮弁以日視朝也正義案郊特牲云大古冠布齊則緇之則虞氏或用白布冠也縞衣謂白布深衣也經云元衣而養老若衣裳俱元則與夏不異儀禮朝服縞布衣素裳縞則元故爲元衣素裳凡三王養老皆引年注已而引戶校年當行復除也老人衆多非賢者不可皆養○尋况甫反縞古老反

八十者一子不從政九十者其家不從政廢疾非人不養者一人不從政父母之喪三年不從政齊衰大功之喪三月不從政將徙於諸侯三月不從政自諸侯來徙家期不

從政

注廢廢於人事自從也正義案旅師云新賦之治皆聽之使無征役鄭注引此文證之是據民之遷徙王

氏引之曰從政之政皆讀爲征春秋宣元年公羊傳古者臣有大喪則君三年不呼其門何休注重奪孝子之恩也禮父母之喪三年不從政齊衰大功之喪三月不從政○養如字又以尙反期音基

少而無父者謂之孤老而無子者謂之獨老而無妻者謂

之矜老而無夫者謂之寡此四者天民之窮而無告者也

皆有常餼

注餼廩也正義按孝經云男子六十無妻曰鰥婦人五十無夫曰寡釋名云無妻曰鰥愁悒不

能寐目恒鰥鰥然其字從魚魚目恒不閉無夫曰寡寡保也保然單獨也無父曰孤孤顧也顧望無所瞻見也無子曰獨獨鹿也鹿鹿無所依也外傳無妻曰鰥無夫曰寡無子曰獨無父曰孤此通言耳四十無妻不爲鰥三十無夫不爲寡有室無父不爲孤壯而無子不爲獨聖人深意先王制禮憂民之極則以老少齒爲限也○矜本又作蘇

同古
頑反

瘖聾跛躄斷者侏儒百工各以其器食之

注斷謂支節絕也侏儒短人也

器能也正義瘖謂口不能言聾謂耳不聞跛躄謂足不能行此等既非老無告不可特與常餼其病尚輕不可虛費官物故因其所能供官役使以廩餼食之案晉語云文公問八疾胥臣對云戚施植鐔注云使擊鐘籬除蒙瑯注云瑯是玉磬使擊之侏儒扶廬注云扶持也廬戟柄也矇矇修聲注云歌詠琴瑟聾聵司火注云使主然火其童昏聵瘖僂僂官師所不材宜於掌上是各以器食之外傳不云跛躄此不云籬籬戚施設文不具○瘖於金反聾力東反跛波我反

道路男子由右婦人由左車從中央

注道有三途遠別也說文中央中央也从大

在口之內大人也中央旁同意一曰久也陳用之日男右女左者地道尊右故也車患於阽危故從中央孔子爲中都

宰其民男女別途蓋以此也

父之齒隨行兄之齒鴈行朋友不相踰

注廣敬也謂於塗中

輕任并重任分班白者不提挈

注皆謂以與少者雜色曰班正義任謂有擔負者老

少並輕則併與少者老少並重不可併與少者一人則分爲輕重重與少者輕與老者○挈苦結反

君子耆老不徒行庶人耆老不徒食

注徒猶空也陸農師曰無車而行爲徒行

無肉而食爲徒食

大夫祭器不假祭器未成不造燕器

注造爲也正義皇氏云此謂有地大夫若

無地大夫則當假之故禮運云大夫祭器不假聲樂皆具非禮也謂無地大夫也

方一里者爲田九百畝方十里者爲方一里者百爲田九

萬畝方百里者爲方十里者百爲田九十億畝方千里者

爲方百里者百爲田九萬億畝

注 里方三百步億今十萬萬億今萬萬也正義此

論開方之法案論語云步百爲畝是長一百步闊一步畝百爲夫是一頃也長闊一百步夫三爲屋是三頃也闊三百步長一百步屋三爲井是九百畝也長闊一里方十里爲田九萬畝方百里者爲方十里者百一箇十里之方既爲田九萬畝則十箇十里之方爲田九十萬畝一百箇十里之方爲田九百萬畝今云九十億畝是一億有十萬十億有一百萬九十億爲九百萬畝皇氏以爲億數不定或以十萬爲億或以萬萬爲億或以一萬爲億此云萬億者祇是萬萬也

自恒山至於南河千里而近

注冀州域

自南河至於江千里而

近注豫州域自江至於衡山千里而遙

注荊州域說文江水出蜀游氏微外嶓山入海

自東河至於東海千里而遙注徐州城自東河至於西河千里

而近

注亦冀州城

自西河至於流沙千里而遙

注雍州城說文河水出焯煌塞

外昆侖山發原注海

西不盡流沙南不盡衡山東不盡東海北不盡

恒山凡四海之內斷長補短方三千里爲田八十萬億一

萬億畝

注九州之大計

方百里者爲田九十億畝山陵林麓川澤

溝瀆城郭宮室塗巷三分去一其餘六十億畝

注以一大國爲率其

餘所以授民也山足曰麓正義皇氏曰千里而近其地稍近言不滿千里千里而遙者其地稍遠言不啻千里一州方千里九州方三千里三三如九爲方千里者有九一箇千里有九萬億畝九箇千里九九八十一故有八十一萬億畝方性夫曰經文重萬億二字衍文

古者以周尺八尺爲步今以周尺六尺四寸爲步古者百

畝當今東田百四十六畝三十步古者百里當今百二十

一里六十步四尺二寸二分

注周尺之數未詳聞也按禮制周猶以十寸爲尺蓋六國

時多變亂法度或言周尺八寸則步更爲八八六十四寸以此計之古者百畝當今百五十六畝二十五步古者百里當今百二十五里梅氏毅成曰按疏言經文錯亂不可用而陳氏注又言疏義所算亦誤今以算術考之經疏固誤陳氏亦未盡合也蓋古者百畝當今東田百五十六畝二十五步古者百里當今百二十五里以算法求畝法以古步八尺自乘得六十四尺又以百畝乘之爲實以今步六尺四寸自乘得四十九尺九十六寸爲法實如法而一得一百五十六畝二十五步爲今田畝數求里法以古步八尺與百里相乘爲實以今步六尺四寸爲法實如法而一得一百二十五

里爲今里數

方千里者爲方百里者百封方百里者三十國其餘方百
里者七十又封方七十里者六十爲方百里者二十九方
十里者四十其餘方百里者四十方十里者六十又封方
五十里者百二十爲方百里者三十其餘方百里者十方
十里者六十名山大澤不以封其餘以爲附庸閒田諸侯
之有功者取於閒田以祿之其有削地者歸之閒田

正義此論

畿外九州建國之法九州州別方千里以開方計之爲方
百里者凡有一百封方百里者三十國謂公也又封方七
十里者六十謂侯國也又封方五
十者百二十謂伯國也○閒音閑

天子之縣內方千里者爲方百里者百封方百里者九其

餘方百里者九十一又封方七十里者二十一爲方百里者十方十里者二十九其餘方百里者八十方十里者七十一又封方五十里者六十二爲方百里者十五方十里者七十五其餘方百里者六十四方十里者九十六

正義外

千里封國之外所餘地少其畿內千里所餘地多者以畿外之土本擬封建諸侯故國數多餘地少畿內本供天子又有郊關鄉遂準擬公卿王子弟采邑故建國數少餘地多

諸侯之下士祿食九人中士食十八人上士食三十六人下大夫食七十二人卿食二百八十八人石食二千八百八十人次國之卿食二百一十六人君食二千一百六十

人小國之卿食百四十四人君食千四百四十人次國之卿命於其君者如小國之卿天子之大夫爲三監監於諸侯之國者其祿視諸侯之卿其爵視次國之君其祿取之於方伯之地方伯爲朝天子皆有湯沐之邑於天子之縣

內視元士

注給齊戒自潔清之用浴用湯沐用潘正義此論士大夫及諸侯等食祿之數君謂大國之君

也前云君十卿祿故食二千八百八十人次國之卿唯得三大夫祿耳君食二千一百六十人者君亦十卿祿也小國卿則二大夫祿耳君食千四百四十人者君亦十卿祿也次國一卿命於其君爲賤則祿不可等命天子者故視小國卿子男國小故不復差降也其天子之士卿大夫無文宜準大國之卿大夫士也異義公羊說諸侯朝天子天子之郊皆有朝宿之邑從泰山之下皆有湯沐之邑左氏說諸侯有功德於王室京師有朝宿之邑泰山有湯沐之

邑魯周公之後鄭宣王母弟皆
有湯沐邑其餘則否○食音嗣

諸侯世子世國

注象賢也

大夫不世爵使以德爵以功

注謂縣內及列

國諸侯爲天子大夫者
不世爵而世祿辟賢也

未賜爵視天子之元士以君其國

注列國及縣內之國也

諸侯之大夫不世爵祿

正義案禮運云天子有田以處其子孫則

周召畢原之等是縣內諸侯也詩衛武公入相於周又尙
書顧命齊侯爲虎賁衛侯爲司寇是列國諸侯也並入爲
天子大夫然畿內諸侯有爲三公則周召是也列國諸侯
入爲六卿則鄭武公是也未賜爵謂列國諸侯及縣內諸
侯其身旣死其子未得爵賜其衣服禮制視天子元士若
畿外者君其本國畿內者亦君畿內之國其畿內諸侯有
大功德元子出封畿外則王命次子守其采邑若其賢才
則世爲公卿春秋周公召伯之屬是也諸侯降於天子故
大夫不世爵祿若有大功德亦得世之故隱八年官
有世功則有官族邑亦如之是據諸侯卿大夫也

六禮冠昏喪祭鄉相見

注鄉鄉飲酒鄉射

七教父子兄弟夫婦君

臣長幼朋友賓客

荀子大略篇修六禮明十教所以道之也楊倞注十或爲七

八政飲

食衣服事爲異別度量數制

注飲食爲上衣服次之事爲謂百工技藝也異別五方用

器不同也度丈尺也量斗斛也數百十也制布帛幅廣狹也○冠古亂反

禮記訓纂卷五終